



REPUBLIKA E SHQIPËRISË

MINISTRIA E ARSIMIT, SPORTIT DHE RINISË  
MINISTRI

*MM* Prot.,

Tiranë më 13/02/2019

URDHËR

NR. 82, DATË 13.02.2019

PËR  
MIRATIMIN E STATUTIT TË FEDERATËS SHQIPTARE TË GJIMNASTIKËS

Në mbështetje të nenit 102 të Kushtetutës dhe nenit 16 të ligjit nr. 79/2017 "Për sportin",

URDHËROJ:

1. Miratimin e Statutit të Federatës Shqiptare të Gjimnastikës, propozuar me Vendimin e Asamblesë së Përgjithshme, nr. 6, datë 24.03.2018, sipas tekstit bashkëlidhur këtij urdhri (21 faqe).
2. Statuti ekzistues i Federatës Shqiptare të Gjimnastikës, i miratuar në bazë të Ligjit nr. 9376, datë 21.04.2005 "Për Sportin", i shfuqizuar, shfuqizohet.
3. Ngarkohet për zbatimin e këtij urdhri Sekretari i Përgjithshëm i Ministrisë së Arsimit, Sportit dhe Rinisë, Drejtoria e Përgjithshme e Politikave dhe Zhvillimit të Arsimit, Sportit dhe Rinisë, Drejtoria e Përgjithshme Rregullatore dhe Përpunshëmërisë për Arsimin, Sportin dhe Rininë.


Ky urdhër hyn në fuqi menjëherë.





## FEDERATA SHQIPTARE E GJIMNASTIKËS

### STATUT



TIRANË 2018



## HYRJE

Ky statut është dokumenti themelor mbi hazën e të cilit do të drejtohet Federata Shqiptare e Gjïmnastikës.

Federata Shqiptare e Gjïmnastikës është themeluar më 2 shtator të vitit 1945.

Federata Shqiptare e Gjïmnastikës është person juridik, shoqatë, e regjistruar në Gjykatën e Rrethit Gjyqësor Tiranë, sipas Vendimit Nr. 2638, të datës 28.09.2009.

Ky statut është miratuar nga Asambleja e Përgjithshme Zgjedhore e Federatës Shqiptare të Gjïmnastikës, në mbledhjen e datës 24/03/2018.

## K R E U I

### PARIME TË PËRGJITHSHME

#### Neni 1

##### Forma ligjore, Përberja, Selia

1. Federata Shqiptare e Gjïmnastikës (për efekt të këtij Statuti më poshtë do t'i referohemi si FSHGJ) është person juridik privat që krijohet në formën e shoqatës, e cila përfaqëson bashkimin vullnetar të shoqatave dhe klubeve sportive të FSHGJ në Republikën e Shqipërisë, që vepron në përputhje me dispozitat e ligjit nr. 79/2017, datë 27.04.2017 "Për Sportin", ligjin nr.7850, datë 29.7.1994 "Kodin Civil i Republikës së Shqipërisë", i ndryshuar, ligjin nr. 8788, datë 07.05.2001 "Për Organizatat Jofitimprurëse", i ndryshuar, si dhe akte të tjera ligjore dhe nënligjore që rregullojnë këto aktivitete dhe që janë në fuqi në Republikën e Shqipërisë.
2. Federata Shqiptare e Gjïmnastikës si anëtare e Federatës Ndërkombëtare të Gjïmnastikës, respekton statutin dhe rregulloret, direktivat dhe vendimet e saj dhe siguron respektimin e tyre nga të gjithë anëtarët e saj.
3. Selia e saj ndodhet në qytetin e Tiranës në adresën Rr "Liman Kaba", Parku Olimpik 1001 Tiranë.

#### Neni 2

##### Sigla, Flamuri, logo dhe vula



1. Sigla, flamuri, logo dhe vula janë simbolet e FSHGJ-së.

- a. Sigla e Federatës Shqiptare të Gjïmnastikës është FSHGJ.
- b. Flamuri i FSHGJ-së është me ngjyrë të kuqe në sfond, nga njëra anë ka mbishkrimin "Federata Shqiptare e Gjïmnastikës" dhe logon e federatës, ndërsa nga ana tjetër shqiponjën dykrenare.
- c. Logo e saj është një element gjïmnastikor i stilizuar, shoqëruar me siglën F.SHGJ., dhe në të djathtë, emërtimi në anglisht "Albanian Gymnastic Federation" dhe poshtë tij, emërtimi "Federata Shqiptare e Gjïmnastikës".
- d. Vula është në formë rrethore, sipër Republika e Shqipërisë, poshtë saj në formë rrethore shkruhet Federata Shqiptare e Gjïmnastikës, në qendër stema e republikës, ndërsa në pjesën e poshtme – Tiranë.



**Neni 3**

**Qëllimi, fusha e veprimtarisë dhe objektivat**

1. FSHGJ-ja është themeluar me qëllim promovimin, organizimin dhe rregullimin e aktiviteteve në sportin e gjïmnastikës, në të gjitha disiplinat e saj, si në gara ashtu dhe në aktivitete jashtë gare. Disiplinat e sportit të gjïmnastikës të praktiktuara janë ato të sportit të gjïmnastikës, të përcaktuara zyrtarisht dhe të njohura nga Federata Ndërkombëtare e Gjïmnastikës (FIG).
2. Të ardhurat që krijohen në FSHGJ nga burimet të ndryshme ligjore ri-investohen për zhvillimin e aktivitetit të FSHGJ-së. Organizata mund të angazhohet në aktivitete ekonomike me qëllim të mbështetjes së aktiviteteve të saja jofitimprurëse, në pajtim me ligjin nr. 8788, datë 07.05.2001 "Për Organizatat Jofitimprurëse", i ndryshuar, me kusht që të ardhurat e realizuara nëpërmjet aktiviteteve ekonomike të shfrytëzohen ekskluzivisht për të arritur qëllimet e theksuara në këtë statut.
3. FSHGJ-ja, në përputhje me legjislacionin në fuqi, ka këto objektiva:
  - a. Të zhvillojë, promovojë, kontrollojë dhe rregullojë aktivitetin sportiv të shoqatave dhe klubeve të FSHGJ, në të gjitha format e tij e në të gjithë territorin e Republikës së Shqipërisë, në përputhje me këtë statut.
  - b. Të ndihmojë në mënyrë të kualifikuar në rritjen dhe zhvillimin e marrëdhënieve, miqësore midis anëtarëve të federatës si dhe të mbrojë të drejtat e anëtarëve të saj dhe kujdeset për zgjidhjen e problemeve tekniko-organizative, sportive, duke u mbështetur në Statut, Rregullore të saj, legjislacionin shqiptar si dhe aktet ligjore ndërkombëtare të veprimtarisë së sportit përkatës.
  - c. Të drejtojë dhe të kujdeset për mbarrëvajtjen e të gjithë gjyqtarëve të FSHGJ-së, kombëtarë e ndërkombëtarë të aderuar në federatë.
  - d. Të organizojë Kampionatin Kombëtar dhe Kupën e Shqipërisë dhe të shpallë "ekipin Kampion Kombëtar dhe "ekipin fitues të Kupës së Shqipërisë" në sportin e vet.
  - e. Të përfaqësojë Republikën e Shqipërisë në federatat ndërkombëtare përkatëse.
  - f. Të organizojë ekipin kombëtar dhe të marrë pjesë në veprimtari të sportive ndërkombëtare ose të autorizojë pjesëmarrjen e anëtarëve të saj në këto veprimtari.





10

- g. Të organizojë në Republikën e Shqipërisë veprimtari sportive ndërkombëtare me miratimin e ministrisë përgjegjëse për sportin dhe të japë leje për organizimin e tyre nga anëtarët e saj.
- h. Të adresojë në Komitetin Olimpik Kombëtar Shqiptar.
- i. Të marrë masa për ndalimin e diskriminimit në veprimtaritë sportive për shkaqë, si bindjet politike a fetare, raca, etnia, gjuha, gjinia, orientimi seksual, gjendja ekonomike ose shoqërore.
- j. Të përdorë eksperiencën e saj për të ndihmuar rritjen dhe zhvillimin e marrëdhënieve miqësore midis anëtarëve të FSHGJ-së, duke inkurajuar frymën e tolerancës, të mirëkuptimit dhe lojës së drejtë (Fair Play) në të gjitha nivelet e garave.
- k. Të licencojë trajnerë, për sportin e gjimnastikës.
- l. Të koordinojë dhe japë pëlqimin për kryerjen e veprimtarive dhe garave sportive për anëtarët e saj.
- m. Të autorizojë përdorimin e simboleve të federatës nga anëtarët e saj, përmes parashikimeve në rregulloren e brendshme të FSHGJ-së.

## KREU II

### ANËTARËSIA NË FSHGJ

#### Neni 4

##### Anëtarësimi

1. Anëtarët e FSHGJ-së krijohen në një nga format ligjore të parashikuara në ligjin për sportin në fuqi, në Republikën e Shqipërisë.
2. Anëtarët e FSHGJ-së mund të jenë persona juridikë, klube sportive, shoqata sportive, të cilat paraqesin dokumentat themeluese të tyre si dhe dokumentat e tjerë të përcaktuar nga FSHGJ-ja.
3. Pas regjistrimit në gjykatë si person juridik, klubi sportiv, shoqëria sportive ose shoqata sportive mund të kërkojnë të drejtën e anëtarësisë pranë FSHGJ-së.
4. Çdo kërkesë për t'u anëtarësuar në FSHGJ duhet të depozitohet me shkrim pranë Komitetit Drejtues të FSHGJ-së.
5. Procedura për marrjen e të drejtës së anëtarit të FSHGJ-së, si dhe kriteret për të fituar këtë të drejtë, përcaktohen në rregulloren për anëtarësim që miratohet nga Komiteti Drejtues. Kriteret dhe dokumentacioni që duhet të depozitohet kandidati për anëtar mund të përcaktohen në rregulloren e brendshme.
6. Komiteti Drejtues i FSHGJ-së i jep kërkuarit të drejtën e të qënurit anëtar provizor i FSHGJ-së, deri në mbledhjen e Asamblesë së Përgjithshme të radhës.
7. Asambleja e Përgjithshme e FSHGJ-së vendos mbi anëtarësinë e një anëtari, por ajo nuk mund ta refuzojë atë, për sa kohë kërkesa është në përputhje me Statutin dhe rregulloret e FSHGJ-së.
8. Vendimi i Asamblesë së Përgjithshme duhet të jetë i arsyetuar.
9. Për t'u anëtarësuar në FSHGJ, secili i interesuar duhet të pranojë Statutin dhe të angazhohet për përmbushjen e qëllimeve të organizatës.
10. Anëtarët e regjistruar të FSHGJ-së janë të detyruar të kontribuojnë për FSHGJ-në nëpërmjet pagimit të kuotizacioneve të përcaktuara nga Asambleja e Përgjithshme Vjetore.
11. Selia e një anëtari të FSHGJ-së duhet të jetë në territorin shqiptar.





## Neni 5

### Të drejtat dhe detyrat e anëtarëve

1. Anëtari i FSHGJ-së ka të drejtë:
  - a. Të pajiset me kartën e anëtarësimit;
  - b. Të pajiset me Statutin dhe Rregulloret e FSHGJ-së;
  - c. Të përfaqësohet me të drejtë vote në Asamblenë e Përgjithshme.
  - d. Anëtarët e FSHGJ-së të organizuar sipas një nga format ligjore të parashikuara në ligjin për sportin në fuqi, në Republikën e Shqipërisë mund të përfaqësohen me të drejtën e 1 (një) vote në Asamblenë e Përgjithshme;
  - e. Të informohet me veprimtarinë e FSHGJ-së si dhe me vendimet e Komitetit Drejtues të FSHGJ-së;
  - f. Të pajiset falas me botimet e ndryshme që mund të bëjë FSHGJ-ja;
  - g. Të marrë pjesë në aktivitetet zyrtare e miqësore, kombëtare e ndërkombëtare që organizon FSHGJ-ja.
  - h. Të njihet më parë me programin e mbledhjes së Asamblesë së Përgjithshme dhe dokumentacionin përkatës dhe të ftohet në takim në kohën e përcaktuar.
2. Anëtari provizor ka të drejtë të përfitojë të drejtat e parashikuara në germa b., d., g., të pikës 1. të këtij neni.
3. Anëtari i FSHGJ-së-së ka këto detyrime:
  - a. Të pranojë dhe të zbatojë Statutin, direktivat, vendimet dhe Rregulloret e FSHGJ-së dhe organizmave ndërkombëtare.
  - b. Të paguajë detyrimet financiare ndaj FSHGJ-së.
  - c. T'i komunikojë FSHGJ-së çdo ndryshim në Statutet dhe Rregulloret e anëtarit, si dhe listë të personave ose zyrtarëve me të drejtë firme për të hyrë në marrëveshje ligjore me palët e treta.
  - d. Të zgjedhë organet drejtuese, ekzekutive dhe nëse e gjykon të arsyeshme dhe organin e saj disiplinor.
  - e. Të njohë parimet e ndershmërisë, *fair play*-it, integritetit dhe sjelljes korrekte sportive.
  - f. Të njohë të gjitha detyrimet e tjera që dalin nga Statuti, rregulloret, direktivat dhe vendimet e FSHGJ-së.
  - g. Të mos lejojë asnjë person të marrë pjesë në asnjë veprimtari zyrtare sportive të njohur nga FSHGJ-së ose të organizuar direkt nga FSHGJ-ja, pa u anëtarësuar më parë pranë FSHGJ-së.
  - h. Anëtarët e FSHGJ-së duhet të integrojnë në statutet e tyre detyrimet e lartpërmendura. Shkelja e detyrimeve të lartpërmendura nga ndonjë anëtar, mund të sjellë sanksione të parashikuara në këtë Statut.



**Neni 6**

**Pezullimi, përjashtimi dhe dorëheqja e anëtarit**

1. Pezullimi apo përjashtimi i anëtarit bëhet me vendim të arsyetuar të Asamblesë së Përgjithshme.
2. Pezullimi i anëtarit të FSHGJ-së ndodh, në rastin e konstatimit të shkeljeve të Statutit, Rregulloreve, direktivave dhe vendimeve të FSHGJ-së.
3. Afatet e pezullimit janë:
  - a) Për shkelje të rregulloreve të FSHGJ-së;
  - b) Për shkelje të vendimeve të FSHGJ-së;
  - c) Për shkelje të përcaktimeve statutores të FSHGJ-së;
  - d) Për mospagim të kuotizacionit të FSHGJ-së.
4. Vendimi që mund të marri Asambleja e Përgjithshme, për pezullim me afat nuk mund të jetë më shumë se 1 vit.
5. Statusi i anëtarit mbaron me dorëheqjen ose përjashtimin e anëtarit.
6. Përjashtimi i anëtarit ndodh në rast të mospagimit të kuotizacionit vjetor për dy vite rradhazi. Përjashtimi i anëtarit nuk e liron atë nga detyrimet e veta financiare të papërbushura kundrejt FSHGJ-së.
7. Dorëheqja e anëtarit bëhet me kërkesë me shkrim pranë Këshillit Drejtues, shoqëruar dhe motivacionin. Akti i pranimit të dorëheqjes del brenda dy javësh nga kërkesa për dorëheqje. Pranimi i dorëheqjes nuk e liron anëtarin nga detyrimet e papërbushura kundrejt FSHGJ-së.

**KREU III**

**ORGANIZIMI**

**Neni 7**

**Organet e Federatës Shqiptare të Gjïmnastikës**

1. Organet e FSHGJ-së janë:
  - a. Asambleja e Përgjithshme është organi më i lartë vendimmarrës.
  - b. Komiteti Drejtues është organi më i lartë ekzekutiv
  - c. Sekretariati i përgjithshëm është organ administrativ.
2. Pranë FSHGJ-së funksionojnë komisione për përbushjen e qëllimit dhe funksionimit të saj.



Komisionet janë :

- a. Komisioni teknik dhe i gjykimit
- b. Komisioni i financës.
- c. Komisioni i disiplinës.
- d. Komisioni i Apelit.



#### Neni 8

#### Asambleja e Përgjithshme

1. Asambleja e Përgjithshme është organi më i lartë i Federatës Shqiptare të Gjimnastikës. Vetëm një Asamble e mbajtur në përputhje me rregullat e këtij statuti, ka autoritetin të marrë vendime.
2. Asambleja e Përgjithshme përbëhet nga të gjithë anëtarët e saj, të cilët kanë të drejtën e një vote.
3. Në Asambleshën e Përgjithshme marrin pjesë pa të drejtë vote, anëtarët e nderit të miratuar nga Asambleja e Përgjithshme, Anëtarë të Komitetit Drejtues dhe Sekretari i Përgjithshëm i FSHGJ-së.

#### Neni 9

#### Kompetencat e Asamblesë së Përgjithshme

1. Asambleja e Përgjithshme ka këto kompetenca:
  - a. Miraton ndryshime të Statutit të FSHGJ-së;
  - b. Mbikqyr dhe kontrollon përmbushjen e vendimeve, rregulloreve, direktivave të miratuara prej saj;
  - c. Miraton buxhetin, raportet financiare dhe të punës të Federatës.
  - d. Asambleja miraton kompaninë audituese të pavarur që ka eksperiencën dhe kualifikimin e nevojshëm për auditimin e llogarive financiare, sipas procedurave dhe përcaktimeve të legjislacionit në fuqi.
  - e. Asambleja zgjedh Presidentin e Federatës si dhe anëtarët e Komitetit Drejtues me votim të fshehtë.
  - f. Asambleja miraton rregulloren për funksionimin e Komitetit Drejtues dhe organit administrativ.
  - g. Miraton propozimet e anëtarëve për dhënie të titujve të nderit brenda juridiksionit të FSHGJ-së.
  - h. Miraton pranimin e anëtarëve, pezullimin, përjashtimin apo dorëheqjen e një anëtari, sipas parashikimit në këtë Statut.
  - i. Deklaron shkrirjen e Federatës dhe likuidimin e veprimeve të saj financiare.
  - j. Miraton Kalendarin e aktiviteteve të propozuara nga Komiteti Drejtues.



2. Kompetencat e Asamblesë së Përgjithshme, të parashikuara në nenin 20 të ligjit nr 8788, datë 7.5.2001 "Për organizatat jofitimprurëse", nuk mund të delegohen në organet tjera.
3. Asambleja mund të delegojë kompetenca të tjera përmes vendimit të saj, të marrë me shumicën e anëtarëve të saj.
4. Asambleja e Përgjithshme miraton rregulloren e disiplinës, kodin e etikës, rregullore për organizimin e zgjedhjeve dhe volimit dhe rregullore të tjera të nevojshme për ecurinë dhe realizimin e qëllimit të FSHGJ-së.



#### Neni 10

#### Mbledhjet e Asamblesë së Përgjithshme

1. Asambleja mbledhet në mbledhje të zakonshme jo më pak se një herë në vit, por ajo mund të mbledhet edhe në mbledhje të jashtëzakonshme kur thirret nga:
  - a. Presidenti i FSHGJ-së;
  - b. Kur kërkohet nga 1/3 e të gjithë anëtarëve të Asamblesë; Kërkesa i drejtohet Presidentit të Asamblesë, i cili ka detyrimin për thirrjen dhe organizimin e mbledhjes njoftimin me shkrim të të gjithë anëtarëve duke përfshirë datën dhe vendin e mbajtjes së mbledhjes, së bashku me rendin e ditës. Njoftimi për mbledhjen do t'u shpërndahet të gjithë anëtarëve së paku 7 (shtatë) ditë para ditës së mbajtjes së mbledhjes.
2. Mbledhja e zakonshme e FSHGJ-së thirret nga Komiteti Drejtues i cili përcakton edhe rendin e ditës. Njoftimi, rendi i ditës, raportet e aktiviteteve, buxheti, llogaritë dhe çdo dokument tjetër duhet t'u dërgohet anëtarëve 30-ditë përpara datës së zhvillimit të saj.
3. Çdo anëtar ka të drejtë të propozojë përfshirjen në rendin e ditës të një çështjeje përmes një kërkesë e cila duhet të paraqitet tek Komiteti Drejtues të paktën 20 ditë përpara mbledhjes. Komiteti Drejtues, shqyrton propozimin dhe në rast se e pranon atë duhet t'u dërgojë anëtarëve brenda 10 ditë përpara datës së mbledhjes së Asamblesë, rendin e ditës të ndryshuar.
4. Për mbajtjen e mbledhjes është e nevojshme pjesëmarrja e më shumë se gjysmës së anëtarëve.
5. Vendimet në Asamblesë së Përgjithshme do të merren me shumicën e anëtarëve prezent.
6. Në mbledhjet e Asamblesë mund të ftohen të marrin pjesë pa të drejtë vote, anëtarët e nderit të miratuar nga Asambleja e Përgjithshme, anëtarët e Komitetit Drejtues, të FSHGJ-së, përfaqësues të Ministrisë përgjegjëse për sportin, apo të Komitetit Olimpik Kombëtar Shqiptar. Të fluarit mund të diskutojnë, pas lejes së dhënë nga Presidenti i Asamblesë.
7. Çdo vendim i marrë nga Asambleja e Përgjithshme mund të ndryshohet, shfuqizohet vetëm me vendim të Asamblesë së Përgjithshme.
8. Asnjë anëtar i Asamblesë së Përgjithshme nuk i lejohet të marrë pjesë në diskutim apo në marrjen e vendimit për çështje kur ai është në kushtet e konfliktit të interesit.
9. Asambleja e Përgjithshme nuk duhet të marrë vendime për çështje, që nuk janë parashikuar në rendin e ditës.
10. Mbledhjet e Asamblesë së Përgjithshme drejtohen nga Presidenti dhe në mungesë të tij nga anëtar i më i vjetër i Asambles së Përgjithshme.





### Neni 11


#### Përfaqësimi i anëtarëve në Asamblenë e Përgjithshme

1. Çdo anëtar i FSHGJ-së përfaqësohet në Asamblenë e Përgjithshme me një përfaqësues, i zgjedhur në Asamblenë e Përgjithshme të shoqatës, klubit, shoqërisë sportive.
2. Çdo anëtar Shoqatë sportive, Shoqëri sportive apo Klub sportiv dërgon në FSHGJ, në rrugë zyrtare, dokumentacionin e përfaqësuesit të tij të zgjedhur. Dokumentacioni përmban autorizimin e anëtarit me emrin e përfaqësuesit të tij të zgjedhur shoqëruar me vendimin përkatës të Asamblesë së Anëtarit. Ky dokumentacion dërgohet pranë Sekretarit të Përgjithshëm, jo më vonë se 20 ditë përpara zhvillimit të mbledhjes së Asamblesë.
3. Ky përfaqësues ka të drejtën e votës në mbledhjet e Asamblesë së Përgjithshme.
4. Në takimet e Asamblesë së Përgjithshme, përfaqësuesi i çdo anëtari duhet të disponojë një dokument ligjor të identifikimit (kartë identiteti/ pasaportë).
5. E drejta e votës nuk mund t'i delegohet një anëtari tjetër.
6. Votimi me prokurë nuk lejohet.

### Neni 12

#### Zgjedhjet

1. Zgjedhjet në FSHGJ-së bëhen me votim të fshehtë. Ato janë periodike në çdo katër vjet.
2. Presidenti dhe anëtarët e Komitetit Drejtues zgjidhen me votim të fshehtë.
3. Të drejtën për të kandiduar për postin e presidentit e ka çdo anëtar i Asamblesë së Përgjithshme.
4. Çdo kandidat ka të drejtën të organizojë dhe zhvillojë aktivitete për paraqitjen e programit të tij.
5. Kandidati për president duhet të përmbushë këto kritere:
  - a. Të jetë shtetas shqiptar, me banim në Shqipëri;
  - b. Të ketë arsim të lartë;
  - c. Të ketë figurë të pastër morale;
  - d. Të mos jetë i dënuar nga organet e drejtësisë shqiptare dhe të huaja;
  - e. Të mos jetë në kushtet e konfliktit të interesave me postin e Presidentit;
  - f. Të ketë kontribuar mundësisht në fushën e sportit si sportist, menaxher, trainer, gjyqtar, gazetar sportiv apo donator (financues)
6. Të drejtën për të kandiduar në postin e presidentit e kanë anëtarët e Asamblesë që përmbushin kriteret e përcaktuara në pikën 5 të këtij neni.
7. Në raundin e parë, Presidenti ka nevojë për 2/3 e votave të vlefshme e të të gjithë anëtarëve. Në rastet kur asnjë nga kandidatët nuk arrin këtë shumicë, bëhet një raund i



- dytë zgjedhesh midis dy kandidatëve që kanë marrë më shumë vota në raundin e parë. Në raundin e dytë, kandidati që merr më shumë vota zgjidhet President. Në rastet e votave të barabarta, votimi do të përsëritet. Nëqoftëse edhe votimi i dytë përfundon me rezultat të barabartë, vendimi merret nëpërmjet hedhjes së shortit nga Komisioni i numërimit.
8. Kandidatë për anëtarë të Komitetit Drejtues, zgjidhen nga lista e personave që janë propozuar për anëtarë të këtij Komiteti, të cilët kanë marrë numrin më të madh të votave të gjithë anëtarëve.
  9. Emrat e kandidatëve, bashkë me CV e tyre duhet të dërgohen nga anëtarët në Sekretariatit e Përgjithshëm të FSHGJ-së. Sekretariati i Përgjithshëm verifikon kandidaturat dhe ia paraqet rezultatet Komitetit drejtues për miratim. Lista e aprovuar e kandidatëve, të cilët plotësojnë kushtet, i paraqitet përfaqësuesve të anëtarëve së bashku me rendin e ditës së Asamblesë. Për këtë veprimtari, Komiteti Drejtues duhet të ngrejë një komision të posaçëm për seleksionimin e kandidaturave, sipas kritereve të përcaktuara në këtë Statut.
  10. Kandidatët për anëtarë të Komitetit Drejtues duhet të përmbushin kriteret e përcaktuara në pikën 5 të këtij neni.
  11. Mënyra e organizimit të zgjedhjeve, procedura e ndjekur, njoftimet, afatet, përcaktohen në rregulloren e organizimit të zgjedhjeve, miratuar nga Asambleja e Përgjithshme.
  12. Një anëtar i FSHGJ-së nuk mund të propozojë më shumë se një kandidat për anëtar të Komitetit Drejtues.



### Neni 13

#### Komiteti Drejtues

1. Komiteti Drejtues është organi drejtues ekzekutiv i FSHGJ-së
2. Ai përbëhet nga 7 anëtarë me këtë strukturë: Presidenti dhe 6 anëtarë.
3. Komiteti Drejtues ka këto kompetenca:
  - a. Menaxhon dhe drejton punët e FSHGJ-së, në përputhje me Statutin dhe siguron zbatimin e tij.
  - b. Emëron dhe shkarkon Sekretarin e Përgjithshëm me propozim të Presidentit.
  - c. Të përgatisë dhe të mbajë Asamblenë e Përgjithshme të zakonshme dhe të jashtëzakonshme.
  - d. Të rishikojë pasqyrën e llogarive dhe të hartojë buxhetet.
  - e. Të hartojë raportin për aktivitetet.
  - f. Të emërojë, të pezullojë ose të shkarkojë anëtarët e Komisioneve të përhershme ose të përkohshme.
  - g. Të hartojë rregulloret dhe t'i paraqesë ato për miratim në Asamblenë e Përgjithshme.
  - h. Të propozojë në Asamblenë e Përgjithshme ndryshime statutorë apo ndryshime të akteve të tjera të miratuara nga Asambleja e Përgjithshme.



4. Rregullat e punës së anëtarëve të Komitetit Drejtues përcaktohen në rregulloren e posaçme të funksionimit të tij, e cila aprovohet nga Asambleja e Përgjithshme me shumicë votash. Anëtarët e Komitetit Drejtues mund të shkarkohen para përfundimit të mandatit me shumicë votash të Asamblesë së Përgjithshme.
5. Në rast të përfundimit të parakohshëm të mandatit të anëtarit të Komitetit Drejtues, Asambleja e përgjithshme duhet të zgjedhë anëtarin pasardhës për të ushtruar funksionet për kohën e mbetur. Vendimet në Komitetin Drejtues merren me shumicë votash të anëtarëve. Komiteti Drejtues mund të vendosë t'i drejtohet për çfarëdo çështje Asamblesë së Përgjithshme për marrje të vendimit.
6. Asnjë anëtar i Komitetit Drejtues nuk i lejohe të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik



#### Neni 14

##### Sekretari i Përgjithshëm

1. Sekretari i Përgjithshëm është organi administrativ i FSHGJ-së.
2. Sekretariati i përgjithshëm drejtohet nga sekretari i përgjithshëm i cili emërohet nga Komiteti Drejtues.
3. Struktura e sekretariatit të përgjithshëm dhe funksionimi i tij përcaktohen në rregulloren e hartuar nga Komiteti Drejtues dhe miratuar nga Asambleja e Përgjithshme.
4. Kandidati për Sekretar të Përgjithshëm duhet të përmbushë këto kritere:
  - a. Të jetë shtetas shqiptar, me banim në Shqipëri;
  - b. Të ketë arsim të lartë;
  - c. Të ketë figurë të pastër morale;
  - d. Të mos jetë i dënuar nga organet e drejtësisë shqiptare dhe të huaja;
  - e. Të mos jetë në kushtet e konfliktit të interesave me postin e Sekretarit të Përgjithshëm;
  - f. Të ketë kontribuar mundësisht në fushën e sportit si sportist, menaxher, trener, gjyqtar, gazetar sportiv apo donator (financues)
  - g. Të mos jetë njëkohësisht trajner, gjyqtar, vëzhgues, sekretar klubi apo një organi gjykues të FSHGJ-së apo edhe anëtar i një federate tjetër.

#### Neni 15

##### Funksionet e Sekretarit të Përgjithshëm

1. Ai është përgjegjës për veprimtaritë ekonomike, financiare të FSHGJ-së.
2. Të zbatojë vendimet e Asamblesë së Përgjithshme.
3. Të informojë strukturat përkatëse shtetërore për mirëmenaxhimin e grantit, financimeve apo lehtësimeve fiskale që hën shteti për FSHGJ.
4. Të bëjë përgatitjet për Asamblenë e Përgjithshme dhe për mbledhjet e organeve tjerave dhe komisioneve.



5. Ai merr pjesë rregullisht në mbledhjet e Asamblesë së Përgjithshme, takimet e Këshillit Drejtues dhe në ato të komisioneve, me rolin e këshilluesit. Nëse ai nuk është në gjendje të marrë pjesë, ai duhet të caktojë një zëdhënës.
6. Të programojë rendin e ditës së Asamblesë së Përgjithshme.
7. Të mbajë korrespondencën e FSHGJ-së.
8. Të mbajë librat e llogarisë së FSHGJ-së.



#### NENI 16

##### Presidenti i Nderit dhe Anëtarët e Nderit

Me propozimin e Komitetit Drejtues, Asambleja e Përgjithshme mundet të japë titullin e Presidentit të Nderit ose Anëtarit të Nderit, çdo personi për merita të vecanta në shërbim të Sportit të Gjimnastikës.

Presidenti i nderit ose anëtari i nderit mundet të marrin pjesë në Asamblesë e Përgjithshme. Ata mundet të diskutojnë, por nuk kanë të drejtë vote.

Titujt e nderit të percaktuara nga Asambleja e Përgjithshme, i delegohen Komitetit Drejtues për shqyrtim, i cili vendos sipas rastit:

- a. Nderi i "Sportit të Gjimnastikës" Medalje e Artë;
- b. Nderi i "Sportit të Gjimnastikës" Medalje e Argjente;
- c. Nderi i "Sportit të Gjimnastikës" Medalje e Bronxtë;

#### KREU IV

#### FINANCA

#### Neni 17

##### Periudha financiare

Periudha financiare për Federatën do të jetë një vit kalendarik.





### Neni 18

#### Burimet financiare, sponsorizimet dhe reklamimet

1. Të ardhurat e FSHGJ-së sigurohen nga:
  - a. Fonde të dhëna nga Buxheti i Shtetit, në formë transferte, të parashikuara në Buxhetin e Shtetit, si dhe burime të tjera të ligjshme. Mënyra e përdorimit të këtij fondi përcaktohet me udhëzim të përbashkët të Ministrit të Financave dhe të Ministrit përgjegjës për Sportin. Ministria përgjegjëse për Sportin mbikëqyr dhe kontrollon administrimin e transfertës së Buxhetit të Shtetit në të gjitha organizatat sportive që kanë përfutur nga fondet publike;
  - b. Regjistrimet vjetore të anëtarëve;
  - c. Të ardhurat e krijuara nga marketingu i të drejtave që gëzon FSHGJ;
  - d. Nga sponsorizimet, donacionet ose dhurimet, financimet nga shteti dhe burime të tjera të lejuara;
  - e. Nga licënsimi i trajnerëve, sportistëve.;
  - f. Nga kuotat e anëtarësimit të FSHGJ-së.
  
2. Klubit sportive ose sportistët e gjmnastikës, në përputhje edhe me rregulloret e FSHGJ-së, kanë të drejtë të vendosin në uniformat që përdorin gjatë zhvillimit të veprimtarisë sportive, emrin e shoqërisë sponsorizuese, të shoqërisë sportive ose klubit sportiv në përputhje me kushtet e përcaktuara në kontratën e sponsorizimit ndërmjet klubit, FSHGJ-së ose sportistëve dhe sponsorizuesit. Kontratat hartohen në përputhje me Kodin Civil të Republikës së Shqipërisë dhe sipas standardeve dhe rregulloreve ndërkombëtare. Madhësia dhe forma e mbishkrimeve duhet të jenë në përputhje me normat e rregullores së federatës përkatëse sportive dhe me aktet ligjore në fuqi.
  
3. Organizatorët e veprimtarive sportive gëzojnë të drejtën të përdorin sipërfaqet e dukshme të mjediseve sportive, ku ata zhvillojnë veprimtarinë sportive, për qëllime reklamimi ose sponsorizimi me personat fizikë apo juridikë, vendas apo të huaj, në bazë të marrëveshjeve kontraktuese të lidhura me to.

### KREU V

#### SPORTISTI, KATEGORITË E SPORTISTËVE, TRAJNERI

### Neni 19

#### Sportisti



1. Sportisti ka të drejtë ta zgjedhë vetë shoqatën sportive, klubin sportiv ku dëshiron të anëtarësohet dhe ta ndryshojë atë në përputhje me statutet e tyre dhe rregulloret e përcaktuara nga FSHGJ.
2. Pjesëmarrja e sportistit në këto organizata bëhet sipas procedurave të përcaktuara në statut dhe në legjislacionin që rregullon marrëdhëniet e punës dhe Rregullores së brendshme të FSHGJ-së. Sportisti është i detyruar të zbatojë të gjitha detyrimet që rrjedhin nga kontrata e punës.
3. Transferimi i sportistit të Gjymnastikës nga një klub sportiv në një tjetër, brenda ose jashtë vendit, bëhet në përputhje me rregulloret e veprimtarive sportive të miratuara nga FSHGJ dhe nga Federata Ndërkombëtare e Gjymnastikës.



#### Neni 20

##### Kategoritë e sportistëve

1. Sportistët ndahen në amatorë dhe profesionistë, sipas kushteve të përcaktuara në këtë statut dhe në rregulloret e FSHGJ-së.
2. Sportistë amatorë të Gjymnastikës janë ata sportistë, që praktikojnë sportin e Gjymnastikës dhe nuk kanë ndonjë kontratë punë të lidhur me klubin sportive apo shoqatën sportive ku janë regjistruar.
3. Sportistët profesionist të Gjymnastikës janë ata persona që praktikojnë sportin e Gjymnastikës si një profesion dhe fitojnë të ardhura në bazë të nënshkrimit të kontratës së punës me shoqatat, shoqëritë apo klubet sportive në të cilat ata janë anëtarë.

#### Neni 21

##### Statusi i sportistit të nivelit të lartë

Sportistët e Gjymnastikës të cilët përfitojnë statusin e nivelit të lartë në përputhje me Ligjin për Sportin, klasifikohen sipas rezultateve të larta sportive në veprimtaritë ndërkombëtare zyrtare: "rekord olimpike", "rekord botëror", "rekord evropian", "vendi i parë deri në të tetin në Lojërat Olimpikë", "vendi i parë deri në të gjashtin në kampionate botërore" dhe "vendi i parë deri në të tretin në kampionate evropiane" dhe "vendi i parë në Trofetë Mesdhetare". Në veprimtari kombëtare zyrtare "vendi i parë në kampionatin kombëtar" dhe "Kupën e Republikës".

#### Neni 22

##### Trajneri



1. Klubet sportive, shoqatat dhe shoqëritë sportive anëtare të FSHGJ mund të punësojnë trajnerë ose menaxhere të licencuar nga FSHGJ-ja dhe të nënshkruajnë kontratë punësimi, në përputhje me Kodin e Punës të Republikës së Shqipërisë.
2. Klubet sportive, shoqatat, shoqëritë sportive dhe FSHGJ, kanë përgjegjësi për kualifikimin dhe trajnimin e mëtijshëm të trajnerëve në bashkëpunim me institucione përkatëse të fushës.



#### Neni 23

#### Detyrimet e sportistit dhe trajnerit

1. Sportisti i Gjymnastikës duhet të respektojë rregullat e FSHGJ dhe të Federatës Ndërkombëtare të Gjymnastikës (FIG), parimet etike të sportit dhe të *fair-play*-t, kushtet e Konventës Ndërkombëtare të Antidopingut dhe rregulloret e veprimtarisë së Gjymnastikës.
2. Trajnerët respektojnë rregullat e *fair-play*-t, parimet e Kodit të Etikës, Konventën Ndërkombëtare të Antidopingut, si dhe rregulloret e FSHGJ-së

### KREU VI

#### INFRASTRUKTURA SPORTIVE

#### Neni 24

#### Ndërtimi dhe përdorimi i objekteve sportive

1. Objektet sportive ndërtohen dhe përdoren sipas rregullave teknike, higjieno-shëndetësore në përputhje me legjislacionin në fuqi.
2. Standardet, kontrolli, mbikqyrja e objekteve sportive parashikohen në rregulloren mbi ndërtimin dhe përdorimin e këtyre objekteve.
3. Certifikimin e terreneve sportive.
4. Propozimin për terrene sportive ndaj enteve shtetërore dhe private.

### KREU VII

#### DREJTËSIA SPORTIVE





#### Neni 25

##### Shqyrtimi administrativ

1. FSHGJ-ja krijon organet e gjyqimit disiplinor, sipas procedurave të përcaktuara në rregulloret e miratuara nga Asambleja e Përgjithshme.
2. Organet e gjyqimit disiplinor të FSHGJ-së shqyrtojnë dhe vendosin masa ndëshkuese ndaj pjesëmarrësve në veprimtaritë, garat sportive, që kryejnë shkelje disiplinore ose teknike, në kundërshtim me rregulloren e veprimtarisë dhe/ose me rregulloren e disiplinës së FSHGJ-së.
3. Vendimet e organeve të gjyqimit disiplinor të FSHGJ-së, mund të ankimohen në Këshillin e Arbitrazhit Sportiv (KAS) brenda 15-ditëve kalendarike nga shpallja e tyre.

#### Neni 26

##### Zgjidhja e mosmarrëveshjeve

1. Çdo anëtar, në rast se vendimet e organeve drejtuese të FSHGJ-së bien në kundërshtim me ligjin dhe me statutin e saj, ka të drejtë t'i drejtohet Këshillit të Arbitrazhit Sportiv (KAS) pranë Komitetit Olimpik Kombëtar Shqiptar, i ngritur mbi bazën e marrëveshjes së FSHGJ-së dhe Komitetit Olimpik Kombëtar Shqiptar për zgjidhjen e konflikteve në sport.
2. Vendimet e paneleve të arbitrave/ndërmjetësve ankimohen pranë Këshillit të Arbitrazhit Sportiv (KAS) brenda 30-ditëve nga data e shpalljes së vendimit. Këshilli i Arbitrazhit Sportiv (KAS) shqyrton ankimin brenda 30-ditëve dhe merr vendim.
3. FSHGJ njeh dhe zbaton vendimet që merr Këshilli i Arbitrazhit Sportiv (KAS) për vete dhe për anëtarët e saj.
4. Vendimet e Këshillit të Arbitrazhit Sportiv (KAS) ankimohen vetëm në Gjykatën e Arbitrazhit të Sportit (CAS), në Lozanë të Zvicrës.

#### KREU VIII

##### ANTIDOPINGU, KONTROLLI MJEKËSOR NË SPORT DHE SIGURIMI SHËNDETËSOR I SPORTISTËVE



JB

**Neni 27**

**Përdorimi i substancave dhe metodave doping**

1. FSHGJ-ja pranon autoritetin e Organizatës Kombëtare Antidoping për kontrollin e sportistëve, anëtarë të tyre, dhe dënimin e përdoruesve të dopingut
2. Në procesin stërvitor dhe në veprimtaritë sportive të sportit të Gjymnastikës është i ndaluar përdorimi i substancave dhe metodave doping.
3. Lista e substancave dhe metodave doping të ndaluara në Republikën e Shqipërisë është e njëjtë me ato të miratuara nga Agjencia Botërore e Antidopingut.
4. Përdorimi i substancave dhe metodave doping, si dhe nxitja për përdorimin e tyre dënohen sipas normave ndërkombëtare, të pranuar nga FSHGJ.

**Neni 28**

**Dispozita të veçanta në lidhje me dopingun**

1. FSHGJ njih dhe merr përsipër të zbatojë sanksionet mbi Anti-dopingun dhe Feminitetin, konform rregullores së Federatës Ndërkombëtare të Gjymnastikës në këtë fushë.
2. FSHGJ njih autoritetin e Organizatës Kombëtare Antidoping në ushtrimin e kontrolleve antidoping me sportistët anëtarë të FSHGJ.
3. FSHGJ dhe të gjithë organizatat sportive anëtare të saj, pranojnë masat disiplinore dhe dënimet e dhëna nga Organizata Kombëtare Antidoping dhe Federatës Ndërkombëtare për sportistët anëtarë të FSHGJ-së, që rezultojnë pozitiv në këto kontrolle.
4. FSHGJ dhe Organizata Kombëtare Antidoping, si dhe të gjitha organizatat sportive të Gjymnastikës anëtare të FSHGJ, janë të detyruara të respektojnë antidopingun sipas përcaktimeve të bëra në dispozitat e Konventës Ndërkombëtare Kundër Dopingut në Sport, 2005, të ratifikuar nga Republika e Shqipërisë me ligjin nr. 9623, datë 16.10.2006, "Për aderimin e Republikës së Shqipërisë në Konventën Ndërkombëtare kundër Dopingut në Sport, 2005", dhe Konventës Europiane Antidoping të vitit 1989, të ratifikuar nga Republika e Shqipërisë me ligjin nr. 9242, datë 17.6.2004, "Për ratifikimin e Konventës Europiane Antidoping, 1989".

**Neni 29**

**Kontrolli mjekësor në sport**

1. Asnjë sportist nuk mund të anëtarësohet në FSHGJ dhe të marrë pjesë në veprimtaritë sportive të organizuara prej saj, pa paraqitur vërtetimin mjekësor që e lejon atë të ushtrorë sportin që ka zgjedhur. Sportistët e gjymnastikës të anëtarësuar në FSHGJ pajisen me kartelë mjekësore vetjake.



24

2. Kontrolli mjekësor i sportistëve bëhet nga mjekë të licensuar, të paktën një herë në 6-muaj, për matjen e parametrave jetësorë.
3. Kontrolli mjekësor për të gjitha kategoritë e ekipeve kombëtare të Gjimnastikës bëhet nga struktura përgjegjëse e kontrollit mjekësor dhe rehabilitimit pranë Qendrës së Shërbimit të Sportit dhe Përgatitjes së Ekipeve Kombëtare.
4. Organizuesit e veprimtarisë sportive mbajnë përgjegjësi administrative për aktivizimin e sportistëve pa kartelë mjekësore në garat sportive.



### Neni 30

#### Sigurimi shëndetësor i sportistëve

1. Organizatat sportive (klube sportive, shoqëri sportive, shoqata sportive) anëtare të FSHGJ-së janë përgjegjës për sigurimin shëndetësor të sportistëve që marrin pjesë në veprimtaritë sportive të Gjimnastikës.
2. Sigurimi shëndetësor i sportistëve përballon të gjitha shpenzimet për mjekimin e dëmtimeve që mund t'u ndodhin sportistëve gjatë veprimtarisë së tyre sportive.
3. Organizatat sportive (klube sportive, shoqëri sportive, shoqata sportive) anëtare të FSHGJ-së, që lejojnë pjesëmarrjen në veprimtaritë sportive e sportistëve të Gjimnastikës të pasiguruar nga ana shëndetësore, detyrohet të paguaj të gjitha shpenzimet për rehabilitimin e sportistit, në rast dëmtimi në veprimtarinë sportive, në përputhje me legjislacionin shqiptar në fuqi. FSHGJ është përgjegjëse për sigurimin shëndetësor të sportistëve të ekipeve kombëtare gjatë grumbullimeve stërvitore dhe pjesëmarrjes në veprimtaritë ndërkombëtare të gjimnastikës.

## KREU IX

### PARANDALIMI I DHUNËS NË SPORT

#### Neni 31

#### Ndalimi i provokimeve dhe i sjelljeve të palejuara

1. Gjatë veprimtarive sportive të Gjimnastikës të të gjitha niveleve ose gjatë transmetimit të tyre në publik ose në mjedise ku ato zhvillohen, ndalohet provokimi ose përpjekja për provokim me karakter politik, shoqëror, racial, fetar a gjinor, që synon nxitjen e urrejtjes e të dhunës ndaj pjesëmarrësve në veprimtarinë sportive dhe/ose ndaj spektatorëve.
2. Gjatë veprimtarive sportive të Gjimnastikës të të gjitha niveleve ose gjatë transmetimit të tyre në publik ose në mjedise ku ato zhvillohen, udalohen sjelljet e palejuara të mëposhtme:



- a. sulme ~~mbajtja~~ çdo pjesëmarrësi në ngjarjen sportive, qofshin pjesëmarrës të drejtpërdrejtë të veprimtarive sportive apo shikues, ose përlëshja fizike mes pjesëmarrësve dhe tifozëve;
  - b. gjuajtja e sendeve në terrenin sportiv të lojës ose në tribunat e tifozëve;
  - c. shfaqja e materialeve propaganduese, me të cilat fyhen ndjenjat kombëtare ose ndjenjat e tjera ose kryejnë provokim me karakter politik, shoqëror, racial, fetar a gjinor;
  - d. ndërmarrja e veprimeve që nxisin urrejtje e që mund të sjellin deri në dhunë apo sulme fizike;
  - e. dëmtimi i mjediseve të sportit, pajisjeve sportive, instalimeve dhe pajisjeve të tjera në mjedisin sportiv;
  - f. veprimet me të cilat pengohet hyrja apo dalja e pjesëmarrësve në mjedisin sportiv, pengimi i zhvillimit të veprimtarisë sportive apo shkaktimi i pasigurisë në mjedisin sportiv për pjesëmarrësit apo personat e tjerë;
  - g. hyrja e paautorizuar në hapësirat e mjedisit sportiv dhe të terrenit sportiv;
  - h. hyrja e paautorizuar në hapësirat zyrtare dhe në kalimet zyrtare të mjedisit sportiv ose në pjesën e tribunës që i caktohet tifozëve të ekipit mik;
  - i. djegia e rekuizitave, shenjave identifikuese të shteteve, klubeve etj., ose e sendeve të tjera në mjedisin sportiv;
  - j. trukimi i rezultateve të veprimtarive sportive;
  - k. përdorimi i maskave ose sendeve të tjera, me qëllim fshehjen e identitetit ose fshehjen e fytyrës.
3. Organizatori i veprimtarisë sportive të Gjinnastikës, është i detyruar të ndërmarrë të gjitha masat dhe veprimet e nevojshme për sigurimin e veprimtarisë sportive dhe, në veçanti, të kujdeset për marrjen e masave parandaluese të shfaqjes së provokimeve e të sjelljeve të tjera të palejuara.
  4. FSHGJ, në veprimtarinë kundër dhunës në Shqipëri, respektojnë dispozitat e Konventës Europiane Kundër Dhunës në Sport, ku aderon Republika e Shqipërisë.

### Neni 32

#### Sendet e palejuara në objektet dhe mjediset sportive

1. Ndalohe mbajtja dhe përdorimi i sendeve të forta, të rrezikshme për jetën dhe shëndetin e pjesëmarrësve, i armëve të të gjitha llojeve, si edhe përdorimi e tregtimi i pijeve alkoolike.
2. Gjatë veprimtarive sportive të Gjinnastikës, personat në cilësinë e përfaqësuesit të FSHGJ-së, gjyqtarëve dhe vëzhguesve, janë të paprekshëm.
3. Arbitri në një event sportiv është automatikisht gjykatës fakti

### Neni 33

#### Ruajtja e rendit dhe e sigurisë publike



26

1. Organizatori i një veprimtarie sportive në Gjimnastikë është i detyruar të njoftojë Policinë e Shtetit me shkrim të paktën 7-ditë kalendarike, përpara zhvillimit të saj, me qëllim planifikimin e të gjitha masave të nevojshme të sigurisë për mbarevajtjen e saj.
2. Në këtë njoftim, organizatorët duhet të përcaktojnë edhe shërbimin privat të sigurisë fizike (SHPSF) të kontraktuar për marrjen e masave të sigurisë në mjediset sportive të Gjimnastikës.
3. Ruajtja e rendit dhe sigurisë publike në mjediset sportive është detyrë institucionale e organeve sipas legjislacionit në fuqi.
4. Administratorët e objekteve dhe mjediseve sportive, në bashkëpunim me klubet sportive të Gjimnastikës, nëpërmjet shoqërive private të sigurisë fizike (SHPSF), duhet të marrin këto masa:
  - a. të kryejnë kontrollin rigoroz të tifozëve në portat e hyrjeve në mjedisin sportiv;
  - b. të kryejnë sigurimin e vendkalimeve publike në mjedisin sportiv;
  - c. të kryejnë drejtimin e spektatorëve tek ulëset në mjedisin sportiv dhe mbajtjen e tyre nën kontroll;
5. Administratorët e mjediseve sportive marrin masat për caktimin e një ambienti të përshtatshëm për drejtuesit e njësive policore për monitorimin e situatës së rendit publik në mjedisin sportiv.



#### Neni 34


##### **Ull i oficerit të sigurisë në veprimtaritë ndërkombëtare**

1. Në veprimtaritë ndërkombëtare të Gjimnastikës brenda dhe jashtë vendit, FSHGJ merr masa për sigurinë e ekipeve kombëtare nëpërmjet kontaktimit të oficerit të sigurisë.
2. Oficeri i sigurisë duhet:
  - a. Të ketë qenë në nivelin drejtues në Policinë e Shtetit;
  - b. Të ketë përvojë në organizimin dhe menaxhimin e masave të sigurisë gjatë veprimtarive sportive;
  - c. Të ketë gatishmërinë për të punuar me autoritetet publike dhe të Policisë së Shtetit.
3. Oficeri i sigurisë mban kontakte me autoritetet policore, shërbimet e urgjencës dhe përfaqësuesit e tifozëve. Ai është përgjegjës për vlerësimin dhe raportimin tek organizatori i veprimtarisë sportive, duke marrë masat që ato të mos ndikojnë në sigurinë e veprimtarisë.
4. Oficeri i sigurisë është përgjegjës për vlerësimin e adresimin e rreziqeve dhe për marrjen e masave në koordinim me policinë, shërbimet e emergjencës, autoritetet publike dhe çdo subjekt tjetër të përfshirë në menaxhimin e ngjarjes.



24

**KREU X**



**Neni 35**

**Dispozita te fundit**

1. Për çështjet që nuk parashikohen në këtë Statut ose për çështje të forcave madhore do të zgjidhen duke ju referuar dispozitave të Ligjit Nr.97/2017, datë 27.04.2017 "Për Sportin", Kodit Civil, ligjit Nr. 8788, datë 07.05.2001 "Për Organizatat Jofitimprurëse" të ndryshuar, ligjit Nr. 8789, datë 07.05.2001 "Për regjistrimin e Organizatave Jofitimprurëse" të ndryshuar, si dhe akte të tjera ligjore e nënligjore që rregullojnë këtë aktivitet.
2. Çdo ndryshim i Statutit të FSHGJ, përpara se të regjistrohet në Gjykatën kompetente, miratohet me urdhër të Ministrit përgjegjës për Sportet.
3. Mosmarrëveshjet ndërmjet anëtarëve, ndërmjet tyre dhe organeve vendimmarrëse dhe ekzekutive ose ndërmjet tyre dhe të punësuarve zgjidhen me mirëkuptim dhe në përputhje me statutin dhe rregullat e organizatës jofitimprurëse, në të kundërt çështja zgjidhet nga gjykata.

**Neni 35**

**Hyrja në fuqi**

Ky Statut i FSHGJ-së hyn në fuqi pas vendimit të gjykatës së rrethit gjyqësor, Tiranë.

*Blenda Shkollaj*  
\_\_\_\_\_  
Nënshkrues nga Përfunduesi i Autorizuar

